

Na osnovu člana 153. i 154. Zakona o zdravstvenoj zaštiti („Službene novine F BiH“, broj: 46/10 i 75/13), člana 13. stav 1. Pravilnika o specijalizacijama i subspecijalizacijama zdravstvenih radnika i zdravstvenih saradnika („Službene novine F BiH“, broj: 75/20 i 99/21), a u vezi sa Pravilnikom o kriterijima za prijem specijalizanata („Službene novine F BiH“, broj: 102/13, 55/14 i 99/19), direktor Ustanove *r a s p i s u j e*

JAVNI KONKURS za izbor kandidata i dodjelu specijalizacija

iz:

- **STOMATOLOŠKE PROTETIKE** **1 specijalizacija**
- **ORTOPEDIJE VILICA I ORTODONCIJE.....** **1 specijalizacija**

Kandidati za dodjelu specijalizacije treba da ispunjavaju sljedeće uslove:

- da su državljani Bosne i Hercegovine;
- da su stariji od 18 godina;
- da su zdravstveno sposobni za specijalizaciju za koju se kandiduju;
- da imaju završen Stomatološki fakultet – stručno zvanje doktor stomatologije;
- da imaju položen stručni ispit;
- da imaju važeću licencu – odobrenje za samostalan rad izdato od nadležne komore;
- da posjeduju radno iskustvo od najmanje godinu dana u struci nakon položenog stručnog ispita;
- da posjeduju znanje jednog stranog jezika;
- da su u radnom odnosu u zdravstvenoj ustanovi koja dodjeljuje specijalizaciju.

Kandidati koji se prijavljuju na Javni konkurs treba da dostave:

1. Prijavu svojeručno potpisanu, sa navedenom dokumentacijom koju dostavljaju;
2. Biografiju sa adresom i kontakt podacima;
3. Uvjerenje o državljanstvu (ne starije od 6 mjeseci);
4. Izvod iz matične knjige rođenih;
5. PBA-1 obrazac (ne stariji od 6 mjeseci);
6. Diplomu o završenom Stomatološkom fakultetu;
7. Dodatak diplome za kandidate koji su završili integrirani I i II ciklus studija stomatologije;
8. Uvjerenje o položenom stručnom ispitu;
9. Važeću Licencu za rad izdato od nadležne ljekarske komore;
10. Dokaz o poznavanju jednog stranog jezika;
11. Uvjerenje o zaposlenju u zdravstvenoj ustanovi koja dodjeljuje specijalizaciju;
12. Uvjerenje o radnom iskustvu u struci nakon položenog stručnog ispita;
13. Potvrdu prepisa položenih ispita na studiju;
14. Potvrdu o prosjeku ocjena tokom studija;
15. Potvrda o prosječnoj ocjeni iz grupe predmeta vezanih za specijalizaciju za koju se kandidat prijavljuje
16. Potvrda o dužini trajanja studija;
17. Za produženje studija usljed komplikacija u trudnoći, porodiljskog odsustva, duže bolesti dostaviti liječnički nalaz ili za produženje studija iz nekog drugog razloga koji predstavlja višu silu dostaviti pisani dokaz;
18. Nagrade za vrijeme studija (nagrada rektora Univerziteta, nagrada dekana Stomatološkog fakulteta)

Kandidati koji se prijavljuju za više specijalizacija dostavljaju dokumentaciju posebno za svaku specijalizaciju.

Sva dokumentacija mora biti dostavljena u ovjerenoj kopiji.

Kandidati se mole da ne dostavljaju dokumente koji nisu traženi Javnim konkursom.

Napomena: Izabrani kandidati će biti u obavezi da **nakon izbora za dodjelu specijalizacije**, odnosno prije potpisivanja Ugovora o radu dostave:

- Ljekarsko uvjerenje kao dokaz da su tjelesno i duševno sposobni za obavljanje specijalizacije za koju su izabrani;
- Uvjerenje da protiv lica nije pokrenut krivični postupak, ne starije od datuma izlaska Javnog konkursa.

Sva dokumentacija koju kandidati dostavljaju uz prijavu mora biti u originali ili ovjerenoj fotokopiji.

Kandidati koji se prijavljuju na više specijalizacija, moraju za svaku specijalizaciju dostaviti posebnu prijavu sa traženom dokumentacijom.

Uz prijavu se dostavlja samo dokumentacija koja je tražena Javnim konkursom.

Javni konkurs ostaje otvoren **8 dana** od dana objavljivanja.

Po zatvaranju Javnog konkursa, Komisija za utvrđivanje prijedloga za izbor kandidata za dodjelu specijalizacija (u daljem tekstu: Komisija) će pregledati dostavljenu dokumentaciju i izvršiti klasifikaciju kandidata.

Prijave kandidata koji ne ispunjavaju uslove Javnog konkursa (neblagovremene, nepotpune i neuredne prijave), neće se uzeti u razmatranje.

Komisija će u roku od 30 dana od dana isteka roka za podnošenje prijave na Javni konkurs izvršiti bodovanje, pozvati i obaviti razgovor sa svim prijavljenim kandidatima čije su prijave blagovremene, potpune i uredne.

Kandidati na razgovor sa Komisijom pozivat će se pismenim putem.

Podnosilac neblagovreme, neuredne i nepotpune prijave nije učesnik Javnog konkursa i nema procesnu legitimaciju za pobijanje odluke o izboru kandidata ili čitavog postupka za izbor kandidata za dodjelu specijalizacije, pred Upravnim odborom Ustanove, odnosno pred nadležnim sudom.

Urednom prijavom na Javni konkurs smatra se ona koja je uredno popunjena i svojeručno potpisana.

Potpunom prijavom smatra se prijava uz koju su priloženi svi dokazi o ispunjavanju uslova koji su naznačeni u Javnom konkursu.

Blagovremenom prijavom smatra se prijava koja je podnesena u roku koji je određen u Javnom konkursu.

Ispunjavanje uslova utvrđenih Javnim konkursom računa se sa danom predaje prijave.

Komisija će u pisanoj formi, zaključkom obavijestiti kandidate koji nisu dostavili blagovremenu, potpunu i urednu dokumentaciju.

Kandidati koji nisu dostavili blagovremenu, potpunu i urednu dokumentaciju, ne mogu učestvovati u daljoj konkursnoj proceduri.

Komisija će izvršiti bodovanje kandidata, te sačiniti rang listu uspješnih kandidata i dostaviti je direktoru Ustanove, koji će donijeti odluku o izboru kandidata sa liste uspješnih kandidata i istu sa rang listom uspješnih kandidata istaknuti na Oglasnoj ploči Ustanove.

Prijavljivanje na Javni konkurs:

Rok za podnošenje prijave na Javni konkurs je 8 dana, a počinje teći narednog dana od dana njegovog objavljivanja u Dnevnom listu „Oslobođenje“

Prijave dostaviti na pisarnicu Ustanove ili putem pošte na adresu:

**Javna zdravstveno-nastavna ustanova
Dom zdravlja „Dr Mustafa Šehović“ Tuzla
75000 T U Z L A
Ul. Albina i Franje Herljevića br. 1**

**KOMISIJI ZA UTVRĐIVANJE PRIJEDLOGA ZA IZBOR KANDIDATA ZA DODJELU SPECIJALIZACIJA
“Prijava za Konkurs za izbor kandidata i dodjelu specijalizacije iz _____“
Sa naznakom „NE OTVARATI“**

Dokumentacija dostavljena uz prijavu na Javni konkurs neće se vraćati kandidatima.

DIREKTOR,
s.r., Prim. prof. dr. sc. Samir Mačković